

Bibel fa Kjinja
brinj't junt

Petrus un de Jebäts Krauft



Jeschräwen von: Edward Hughes
Jemolt von: Janie Forest

Äwasat von: Ed Zacharias
Toom Paus's jestalt von: Ruth Klassen

De 57. Jeschicht von 60

www.M1914.org

Bible for Children, PO Box 3, Winnipeg, MB R3C 2G1 Canada

Jesazlich: Du doascht dise Jeschicht oppnähmen ooda drekjen, soo lang aus du dee nich vekjafst.

Plautdietsch

Low German



De Apostel Petrus
reisd no vël Städen
un lieed andre von
Jesus. Een Dach, en
de Staut Lieda, troff
hee eenen jelämnden
Maun en sien Bad.




Hee wia aul acht Joa
em Bad jewast. Petrus
säd, "Jesus Christus
moakt die jesunt. Sto
opp un moak dien Bad."
Hee stunt fuaz opp.



Menschen dee
daut sagen
jeewen sikj
nom Harn.

3



Nich wiet auf en de
Staut Joppe wieren de Lied
tuarich. Eene Taunte, dee
heet Tabita, wia jestorwen.
See muaken ar reed toom
begrowen, un läden ar en
eene Bowastow,
un truaden.

4



Dan hieeden Tabita
ääre Frind daut Petrus
nich wiet auf wia. See
leeten am weeten daut
hee fuaz komen sull.
Aus hee kjeem, weesen
de Wätfrues am dee
Kjleeda dee Tabita
fa an jemoakt haud.
See hielden aula.

5



Petrus muak an aula
rutgonen, un hee
kjneed un bäd. Dan
kjikjt hee no de Fru
un säd, "Tabita, sto
opp." Un see muak
ääre Uagen op, un
sach Petrus, un
recht sikj opp.

6



Hee rieekjt ar de
Haunt un holp ar
opp. Aus hee de
Heilje (Christen)
un Wätfrues
jeroopt haud,
stald hee ar doa
läwendich han.
Lied hieeden daut
en gauns Joppe,
un väle jleewden
aum Harn.


7



Petrus bleef lang en Joppe, en een Hus biem
Mää. Een Dach jinkj hee opp Meddach
oppem Dak toom bäden.

8

Wan hee äwa de Stauts Waunt jekjikjt
haud, haud hee veleicht jeseenen,
daut doa dree Mana aankjeemen.



9

Dee Mana wieren een Reemischen Soldot
siene Deena.



De Soldot heet
Kornelius, un hee
deend Gott.

10

Hee haud siene Deena no Petrus jeschekjt,
wiels een Enjel haud sikj bie am seenen
loten,



un jesajcht,
"Lot Petrus
komen.

11

Hee es nu bie Simon däm Ladajoawa sien
Hus, dicht biem Mäa.




Dee woat die
sajen waut du
doonen saust."

12

Aus Petrus oppem Dak bäd, jeef Gott am eene
Vision. Hee sach een Loaken rauf komen,
met Tieren un Väajel dee hee
nienich jejäten haud, wiels
de Juden dee
aus onrein
hilden.

Soone
wudden see
nich äten. Dan
hieed hee eene
Stemm, "Petrus,
sto opp, schlacht
un at!"



13

"Oba nä, Har," säd Petrus
to Gott, "Ekj hab noch
niemols waut onreinet ooda
jemeenet jejäten." De
Stemm säd noch, "Waut
Gott jereinicht haft,
moak du nich jemeen."
Dit passieed dree mol,
un dan hoof sikj
daut Loaken
wada nom
Himmel.




14

Petrus wist nich waut de Vision meend. Aus hee doaräwa wundad, säd Gott, "Simon, hia sent dree Mana dee no die sieekjen. Siem nich, un go met an met."



15

De dree Mana säden am, daut een Enjel haud to Kornelius jesajcht, see sullen am holen. Nu wist Petrus daut Gott am leid. Dän nääkjsten Dach jinkj hee met sass Frind no Kornelius sien Hus.



16

Aus hee oppem Wajch wia, no daut Hus von dis Nich-Jud, es Petrus daut veleicht kloa jeworden, daut Gott aule Menschen leef haft; daut Gott haben well, daut aule Velkja von Jesus dän Heilant lieren. Aus Petrus ankjeem, kjneed Kornelius ver am, un ieed am.



17

"Sto opp. Ekj sie selfst uk mau een Mensch," säd Petrus to Kornelius.



18

Petrus säd aul de Menschen em Hus, "Jie weeten woo daut fa een Jud jääjen ons Jesaz es, met Nich-Juden toop to komen, ooda Jemeenschoft to haben."




19

"Oba Gott weess mie, daut ekj kjeenen Mensch sull jemeen ooda orrein nanen."




20


Petrus vetald de Nich-Juden daut Jesus Gott sien Sän es, daut hee aum Kjriez jesterwen un vom Doot oppjestonen es, un de Heilant fa de Welt es.



Doamet kjeem de Heilja Jeist doa opp an aula, un see preisden Gott. Petrus siene sass Frind staunden; dit wia soo aus Pinjsten, un de Heilja Jeist kjeem uk opp de Nich-Juden.



Petrus deept dee Menschen uk noch, dee aun Jesus jleewden.



En Jerusalem schullen de Christen Petrus daut hee no Nich-Juden jegonen wia. Dan vetald Petrus von de Visionen dee hee un Kornelius biem bäden jehaut hauden. Dan worden see stell un lowden Gott: "Dan haft Gott de Velkja uk de Jeläajenheit jējāft sikj nom Harn to dreien, un daut Lāwen to finjen!"



Petrus un de Jebäts Krauft

Eene Jeschicht von en daut Wuat Gottes,
de Bibel

finjt eena en

Aposteljeschicht 9-12

"Wan dien Wuat openboat woat,
jeft daut Licht." Psalm 119:130

Gott weet daut wie schljachtet jedonen haben, waut hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejāwen.

Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jesterwen un daut hee nu wada läft. Komm en mien Lāwen un vejeff miene Sinden, soo daut ekj nu kaun nieet Lāwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16

Lass de Bibel un rād jieda Dach met Gott!